

## Transkription von Urkunde HST 1319b

Ort, Datierung: Stralsund, 1319-03-23

Signatur: Stadtarchiv Hansestadt Stralsund, StU 0148 [\[online\]](#)

Inhalt: Wizslaf tu Ruyen: Münzpfennigverkauf

---

Wi wizslaf van de[r] gnade godes vorste tû Ruyen bekennen vnde betughen openbare in dessen / breuen , Dat wi mit beradenen müde vnser truwen ratgheuen vnde man hebben redeliken vorkoft tû ene=/me ewighen kope vnsen ratmannen vnde oldermannen , vnde den menen borgheren tû deme stralessunde [vnse] / munte vnde muntepenninghe vnde wessle dar sulues tû me stralessunde vryg tû besittende tû dûnde vnde tû la=/tende mede alse wi se hadden , vnde de munte vnde de wessle en scal nerghen wesen in vnsen landen , vnde in vnsen / anderen steden wen tû deme stralessunde , Mer vnse muntepenninghe beholde wi vnde vnse erfnamen buten in me / lande , vnde in steden also wi se vore hadden ,, vor dessen ewighen kop hebben se vns ghe gheuen durent mark / wendischer penninghe . Hir en bouen hebben se vns vnde vnsen erfnamen dor leue vnde dor vrentscap weder ghe=/gheuen Dat wi binnen twintich iaren van paschen de nu kvmt tû welken paschen wi willen , Dese stücke moghen / weder kopen . vor dat sulue ghelt , wer dat oc dat wi efte vnse erfnamen desse stücke binnen desser tit weder=/koften so scolde wi vnde vnse erfnamen it yō vmme desse dink holden also ere breue spreken . de en dar up vore / ghegheuen sint , van vns vnde van vnsen olderen ,, Hir was ouer henrik van dechowe . her siuert van plone / her Johan vnde her Conrad Dotenberch . her Rickold vamme smachtethaghen . her vicke bere . her Nycolaas / van starcowe pleban tû barth . vnde henneke bere vnse voghet , Tû er betuginghe desser dink hebbe wi vn=/se Ingheseghel vor dessen bref ghehenghet , Dat scude to me stralessunde na godes bort durent iar . dreihundert / jar . neghenteyn Jar . des vrigdaghes na mitfasten .